



Kamis, 25 Pebruari 2021

Ogen: Johanes 21:15-19



"Biri - Biri Ras Permakan"



Kitab Ende-enden No.86, nina Tuhan Yesus si permakan, aku biri-biriNa, Yesus sindemi pusuhku kuikutken Ia nge, Kuikutken Ia nge, Kuikutken Ia nge. Yesus sindemi pusuhku kuikutken Ia nge. Jelas ikataken, Yesus me si permakan e, kita me biri-biriNa. Adi Ia permakan, arus siikutken kujape nina. Lenga bo pernah Permakan e nadingken biri-biriNa ibas dalam si berbahaya. IteguNa, ikawaliNa, ijagaiNa biri-biriNa seh biri-biri besar ndatken siiperlukenNa. Kita kerina, kalak sitek baNa, siikataken biri-biriNa e nggo nge kita ngikutken perdalanNa? Entah kita nge biri-biri sindube mapak ras bene arah perdalanNa nari?

Sada biri-biri bene, Permakan e pasti ndarami biri-biriNa e. Mbue pe biri-biriNa, ietehna lit sibene ntah mapak perdalanna. Seh kujapape perdalan biri-biriNa e, nggo ndauh pe perdalanna, tetap nge daramiNa. IpermakaniNa kerina biri-biriNa. Emaka kujapape kita, lepak pe perdalanta, inget iidah Dibata kita. Sebab,ia menjadikan kita biri-birina gelah ngikutken Ia, ngikutken kerna sura-suraNa. Jadilah kita biri-biri si patuh ras setia, sebab IpermakaniNa kita, lanai kita kelehen, lanai kita papak, lanai kita mbiar, lanai kita sisada, lanai kita celus.

Lit cerita sibiasana ibereken man anak-anak ope ia tunduh, biasana nande tah bapana isuruhna anakna engkira biri-biri mulai 1 seh ku 100 tiap lit angka sisalah ibas ia engkira biri-biri e arus iulih ka arah angka pemena nari seh kari medem anak e. Ilustrasi enda pe banci jadi sada gambaren man banta, bahwa adi lit biri-biri si la ije (angkana) permakan e ulih ngenin ija biri-biri si la idah ndai. Enda me tandana permakan e ertanggungjawab man kerina biri-birina. Jadilah kita biri-biri singikutken sura-sura permakanta emekap Jesus sijadi pemimpin geluhta. Permakan situhu-tuhu la terjeng erjaga tapi pe nggit erkorban gelah biri-biri e selamat.